



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### მექმარიაშვილი ჟანგო (ჟანი) კონსტანტინეს ძე

მექმარიაშვილი ჟანგო (ჟანი) კონსტანტინეს ძე (22. I. 1925, ქუთაისი, – 1. V. 1989, თბილისი), ფერმწერი, გრაფიკოსი. საქართვე. დამს. მხატვარი (1965). სწავლობდა ი. ნიკოლაძის სახ. სამხატვრო სასწავლებელში (1941-44). დაამთავრა თბილ. სახელმწ. სამხატვრო აკადემია (1952). სამხატვრო გამოფენებში მონაწილეობდა 1953-იდან. 1962-72 იყო საქართვე. მხატვართა კავშირის გამგეობის თავ-რის მოადგილე, 1973-85 – ი. ნიკოლაძის სახ. სამხატვრო სასწავლებლის დირექტორი. მ-ის შემოქმედება მოიცავს რამდენიმე ჟანრს (პორტრეტები, ყოფითი ხასიათის სურათები, პეიზაჟები და ნატურმორტები). ნამუშევრები: „მეზობლე ქალი“ (1958), „უკანასკნელი სართული“ (1959), „კოჭრის ქალები“ (1963), „აფიშის გამკვრელი“ (1962), „ფიქრები“ (1971), „გოგონას პორტრეტი“ (1973). „სამნი ძმანი გურულები“ (1988), გრაფ. ციკლი „სამუშაოდან დაბრუნება“ (1961) და სხვ. 1959 მისმა ნამუშევარმა „ხევსური გოგონა“ (1957) ვენის ახალგაზრდობისა და სტუდენტთა VII საერთაშ. ფესტივალზე ოქროს მედალი დაიმსახურა. მ-ის ნამუშევრები დაცულია შ. ამირანაშვილის სახ. ხელოვნების სახელმწ. მუზეუმში, აღმოსავლეთის ხელოვნების სახელმწ. მუზეუმში (მოსკოვი), დ. შევარდნაძის სახ. საქართვე. ეროვნ. გალერეასა და კერძო კოლექციებში.

---